

INUIT ATAQATIGIIT

INATSISARTUNI



Nuuk 27. Oktober 2015

Inatsisartut suleriaasianni § 37 naapertorlugu Naalakkersuisunut imaattunik apequtissaqarpunga

1)

Qaleralinnut akitsuutip nutaatut siunnersuutigineqarneranut Naalakkersuisut qanoq tungavilersuuteqarpat? 2013-imi ukiaanerani ataatsimiinnermi imm. 27-ip ataani Inatsisartunut ilaasortap Jens Immanuelsenip siunnersuutigisimasaanut siullermut attuumassuteqarpa? Imaluunniit immikkoortumut tassunga amerlanerussuteqartut allannguutissatut siunnersuutaannik tungaveqartumik Naalakkersuisut siunnersuutaannit tungaveqarpa?

2)

Oqartoqarmat qaleralinnut akitsuut "ilaatigut" 2013-imi aalajangiinissamut siunnersuummik tungaveqartoq, tassani Naalakkersuisunit suna pineqarpa? Akitsuut nutaaq sunik allanik tungaveqarnerua?

3)

2013-imi ukiaaneranut naleqqiullugu akitsuutip qaffanneqarnissaani sunniutissat ersarinnerulersimanagerlutik? Akitsuutip tamakkiisumik sunniutissai paasisaqarfigeruppakka, tassa aalisartunut, fabrikinut, nunatta karsianut suliffissaqartitsinermullu.

4)

Annissinissamut akitsuutissap allaffissornikkut ajornakusoortuunissaa naatsorsuutigineqarpa?

5)

2013-mi ukiakkut ataatsimiinnermi imm. 27 akuersissutigineqarmalli akitsuutip sunniutissaanut tungatillugu Aalisarnermut Ataatsimiititaliaq, GE allaluunniit oqaloqatigineqarsimanagerlutik?

(Inatsisartunut ilaasortaq, Naaja H. Nathanielsen)

Tungavilersuut

Sermitsiami 23. oktoberimi saqqummersumi qaleralinnut akitsuutissami kisitsisit taamungaannagaanerarlugit oqarnermut Aningaasanut Naalakkersuisoq akerlillivoq. Taamatut oqaaseqartoq tassaavoq GE. Aningaasanut Naalakkersuisoq ima oqaaseqarsimavoq:

"Akitsuut ilaatigut 2013-imi Inatsisartuni aalajangiiffigisassatut siunnersuutaavoq amerlanerussuteqartut Jens Immanuelsenip (S) siunnersuutaa akuersaarlugu. Taamaattumik Sulisitsisut Aalisarnermullu siunnersuisoqatigiit akitsuut ilisimassajunnarsivaat siunnersuullu naalakkersuisooqatigiit isumaqatigiissutaata toqqaannartumik ilagaa."

2013-imili ukiakkut ataatsimiinnermi Jens Immanuelsenip siunnersuutaata oqallisigineqarnera qimerlooraanni Naalakkersuisut Sermitsiami akinerattuttuulli pissutsit taamak ersaritsiginngillat. Assersuutigalugu Aningaasanut ataatsimiititaliap 2013-imi isumaliutissiissutaani imatut allassimasoqarpoq:

"Akileraarutininik qaffaanerup qanoq sunniuteqarnissaanik naliliinissamut paasissutissat naammattut pigineqanngitsut Naalakkersuisut allattut eqqarsaatigalugu siunnersuutip aningaasatigut kingunerisassai ataatsimiititaliamit nalileruminaatsinneqarput. Pisortat allaffissornerannut kinguneqaatissat eqqarsaatigalugit siunnersuummut matumunnga

qupp. 1

tunngatillugu pitsaasumik nakkutilliinissamut aaqqissuussinermik Akileraartarnermut Aqutsisoqarfiup piffissami qanikannersumi pilersitsisinnaanera piviusorsionersoq Naalackersuisut akissuteqaataani ajoraluartumik allassimangilaq.”¹.

Tamatuma kingorna allannguutissatut siunnersuutit assigiinngitsut marluk saqqummiunneqarput: amerlanerussuteqartuniit, tassa Atassutikkunnit Siumukkormiuniillu allannguutissatut siunnersuut kiisalu ikinnerussuteqartuniit, (Inuit Ataqtigiinniit) taamatutaaq allannguutissatut siunnersuut.

Inuit Ataqtigiinniit siunnersuutip taamaatiinnarneqarnissaa siunnersuutigineqarpoq, taarsiullugulu aalisakkanut pisuussutitut akileraaruteqarnissamut nalunaarusiortoqarnissaanik piunasaqaateqarnissaq siunnersuutigineqarluni, tassanittaaq nunami maani aalisakkat suliarineqanngitarnersa annertusaavigineqarnissaannut periarfissat qimerloorneqaqqullutik.

Taarsiullugu Naalackersuisut aalisakkat pisuussutitut akileraarusersorneqarnissaannut ataatsimut isiginnittumik siunnersuusiornissaannik amerlanerussuteqartuniit siunnersuutigineqarpoq, tassanilu sinerissap qanittuani qaleralinniarnermiit "Japan-cut" -itut suliarineqanngitsunut akitsuutinut aalajangersaanerit ilanngunneqassasoq siunnersuutigineqarluni. Siunnersuut tamanna Inatsisartuni amerlanerussuteqartunit akuersaarneqarpoq, taamaattorli 2014-imi qinersineq sioqqullugu piviusunngortinneqanngisaannarluni.

Aningaasanut Naalackersuisup oqaaseqarnermini maanna naalackersuisooqtigiit qaleralinnut akitsuummumut kissaateqarnerannut Inatsisartut aalajangigaasa sorliup pineqarneranik nalornilersitsivoq. Tassaanerluni Jens Immanuelson siunnersuutigeqqaagaa partiinit tamanit isornartorsiorneqaqisoq – imaluunniit tasaanerluni amerlanerussuteqartut allannguutissatut siunnersuutaat?

Apeqqutit ullut suliffiusut qulit iluanni akeqquneqarput.

1